

Sep Fidel Berther-Deflorin, Rueras

In resun davart persunas cumpentas havess legrau mei e sia entira famiglia. Deplorablamein ei quei buca succediu ed aschia vul il sutascret skizzar cuortamein la veta da nies trapassau cun empaup retard.

Ils 21 d'octobre 1994 serasa la tresta nova che Sep Fidel Berther hagi priu cumiau dil terrester, suenter liunga malsogna supportada cun gronda pazienza ed energia. Per tuts ei sia mort stada anetga e la tristezia aunc bia pli gronda. Ussa rauissa il fideivel cartent sil santeiri da s. Vigeli a Sedrun, spitgond sin sia levada cu il Tutpuscent cloma tuts carstgauns. Nus sperein ch'el rauassi en pasch e la glisch perpetna sclareschi ad el.

Sep Fidel ei naschius a Rueras ils 8 d'avrel 1929 sco fegl da Elisabeth e G. Antoni Berther-Deplaz. Siu bab vegneva numaus Toni meister, pervia da siu mistregn da scrinari. El ravugl d'ina buna famiglia ha el passentau ses onns d'affonza e frequentau las scolas dil vitg e la scola reala a Camischolas. Dotaus cun bunas premissas spirtadas ha el empriu il mistregn da siu bab «scrinari». En in pign luvratori han bab e fegl luvrau ensemens, havend aunc dasperas in pign puresser. Onns da scartezia e mintgin saveva appreziar mintgarap. La mort anetga da siu bab entras ina disgida dil cor ha fatg lartg en casa. Mo cun curascha e perseveronza ha Sep Fidel e siu frar Flurin capiu da menar vinavon cun success la fatschenta che senumna oz Frars Berther SA. Omisdus, innovativs ed allerts, han nezegiau il temps dalla conjunctura aulta e baghegiau in niev e vast luvratori odem Rueras che dat paun e fadigia ad in triep luvrers e mistergners. Sep Fidel ei buca mo secumentaus cun lavurs da scrinari e lennari. Sez ha el fatg architect e dessigner. Biaras da sias lavurs en Tujetsch ed ord Tujetsch dattan perdetga da sia capacitat. Biaras bialas casas ed edifecis pli gronds embelleschan nossa biala val Tujetsch. Deplorablamein ha nies preziau buca saviu far art e part dil giubileum «30 onns Frars Berther e 75 onns scrinaria Berther.» Quei giubileum ha el festivau cun tut ses cars ellas sferas perpetnas.

Gl'onn 1960 ei nies bien Sep Fidel



sespausus cun la giuvna Cecilia Deflorin da Zarcuns. La lètg ei stada benedida cun tschun affons. Treis ein morts gida pign. Veramein ina gronda frida pils censors. Mo era quei han els priu sco crusch dada da Diu. Ils dus vivents han fatg plascher ad omisdus. Il fegl meina oz la fatschenta ch'il bab ha creau cun success. Da quei selegrava il trapassau cun in larmin da legria en ses ecls.

Activitads pil generaless

La truscha e laver ha Sep Fidel mai temiu. Gia en giuvens onns eis el s'engaschaus pil generaless e cultura. Ses votums en radunonzas eran bein fundai ed havevan peisa. Buca da sesmarviglier ch'ins elegia el gia 1963 en suprastanza communal. Gerau cun 34 onns, quei leva dir numvus. Da lezs onns eran quels posts aunc tschercai. Oz il cuntrari. Cun capientsha e bien maun ha el sesprau d'ademplir las obligaziuns duront dus biennis 1963-1967. Ils onns 1980-87 astga Sep Fidel tgamunar nossa vanta vischauca sco pre-

sident communal da Tujetsch. Ina gronda honor mo era endinai engaschi e laver. In grond post da responsabladad ei era stau il presidi dalla Banca Raiffeisen Tujetsch 1968-1982. Era en auters gremiums ha el mess sias forzas e prestau buna laver. Jeu viel buca numnar tuttas scharschas, perquei ch'el era modests e less segiramein buca ch'ins pendit tut ses merets vid il zenn grond.

En cumpignia era Sep Fidel in fetg emperneivel, adina in fin humor e mintgaton ina strihada beinvulenta. Lu saveva el rir da cor. In caracter d'appreziar. Buca da smarviglier che tontas mahorias da laver e quitaus da di e da notg e leutier aunc ina maligna malsogna han smasau e ruis vid sias forzas tochen che tut ei stau consumau. E quei bia memia baul. Cun vera pazienza cristiana ha el supportau tuts mals e la finala rendiu tgeuamein sia sublima olma al scaffider.

Nus tuts Tujetschins engraziein ussa per tia actividad nunstunclenteivila en favur da nossa vischauca e clientella e lein mantener tei en bona memoria. Posso il Tutpuscent remunerar tias stentas cun la gloria celestiala.

Prezau, luvrus e fideivel Tujetschin rauissa en pasch eterna.

Vinzens Pally, scol., Rueras

Sep Fidel Berther-Deflorin



Era la mort ei buca stada lischonta en quei temps. Ils 21 d'octobre 1994 ha il zenn grond annunziau la mort dal vegl president communal Sep Fidel Berther-Deflorin. El ei naschius cheu a Rueras ils 8 d'avrel 1929 sco emprem fegl da Gion Antoni Berther e Lisabet Berther-Deplaz. Igl onn 1960 marida el Cecilia Deflorin da Zarcuns. Tschun affons han els survegniu schenghegiau, denton sulet dus han surviviu l'affonza. Bein ina greva sort per ils geniturs.

El ha empriu da scrinari ed ensemes cun siu frar ha el pli tard menau vinavon la fatschenta

da siu bab. Per la puplicitad eis el segidaus sco gerau e pli tard sco president communal ed aunc auters differents uffecis. Quasi en la megliera vegliadetgna ha la via da dolurs surpriu el. Tuts quels onns ha el denton suffriu cun ina remarcable pazienza e resignaziun. Nunspitgadamein ha il zenn da miert annunziau sia mort. Era sche buca tut ei gartegiau en sia veta, lein nus engraziar ad el per siu engaschi e sia gronda lavur. Al Sep Fidel vegli Niessegner dar la pagaglia.